

Kiŋwakti kə Bəəl nī nyaka i Filimun Gia yə yi kə i Kiŋwakti ki Filimun kələ mə

Filimun nī kə mi wi Klistus, ayaka yuwidəko wi nī kələ mi i kijunŋi ki bəni bə bumni bə Kələse. Wi nī kaŋaki lə mfa wi bə bəəŋ a Ōnesimus. Ayaka mfa wiwə nī dza geiŋ tikwili wi tsə liə i Bəəl kaŋ i junŋ yi nsəŋ mə. Bəəl bi fiəni Ōnesimus wi num mi wi Klistus.

Kiŋwakti kələ nī kə num Bəəl nī nyaka i Filimun i tsā wi a wi fiəni dzə Ōnesimus ma wi nəmki i wi asi wi nī yisi nəmki. Bəəl ka faaŋ Ōnesimus i wi tsa a wi dālinya gia yə wi nī fə i wi, ma wi dzə wi ka waiŋnih wi i Klistus wə.

Kifwu ki gia i Kiŋwakti kələ mə

1-3 Kin'yisi

4-7 Bəəl kəksi Filimun

8-22 Bəəl tsa a Filimun dzə Ōnesimus

23-25 Kimbəni kigəksini

¹ Akə mih Bəəl, mih kə i nsəŋ mə kəm mih kə mi wi Klistus Jiəs. Mih kə buku waiŋnih wibukumbəiŋ Timəti. Mih nyakaki kiŋwakti kələ i wə Filimun nsəiŋ wibuku wi ləkəli wə bukumbəiŋ nəmki i fiəŋ fimu wə.

² Mih nyakaki tə i Afia jəmi yibukumbəiŋ, bəh Alkibus wə bukumbəiŋ bə jwəki i fiəŋ fimu ka bəni bə jum, bəh i kijunŋi ki bəni bə bumni kə ki junŋiki i wə dzu.

³ Ma Nyɔ Tii wibukumbeɪŋ bəh Bah Jisəs Klistus chûsi mbeɪŋ shəm yindzəŋni, chu nyá mbeɪŋ bəh kimbəɪŋni.

Bəal nya kiyəŋni i Nyɔ kəm Filimun

⁴ Filimun, i jəbi wə mih tsaki jəbi wichi mih kwaka wə, mih ka nyaki a kiyəŋni i Nyɔ wuŋ kəm wə,

⁵ kəm mih wəkəki lə kəm shəm yə wə jiə i Bah Jisəs wə, bəh si wə kəŋki bəni bə bə kə bə Nyɔ bəchi.

⁶ Mih tsaki a, si wə kə wə nya lə shəm ya i Jisəs wə, mbeɪŋ bəh bəni bə Nyɔ num i kijunŋni wə, yələ ni fə lə wə kiə kaasi gia yindzəŋni yichi yə yi kə yibukumbeɪŋ bə bə chinŋni bəh Klistus.

⁷ Waiŋnih wuŋ, ŋkaiŋni kiŋkəŋ kə wə chusiki, ki fə mih bə wəkə ndzəŋni nalə shəm yinŋ də, kəm wə fəki shəm yi bəni bə Nyɔ də.

Bəal tsa Filimun kəm Ōnesimus

⁸ Ayakadəiŋ, gia yidəkə kələ yə mih nəŋki a wə fə, mih si kələ i dzaka dzakani bəh ŋga biə mih kaŋaki ka mi wi Klistus, a wə fə.

⁹ Ayakalə, kəm bəh kiŋkəŋ, mih ni kwuŋki kaŋ kwuŋni i wə. Mih Bəal si num lə kukuli, mih chu num i nsəŋ mə i liə kəm mih kə mi wi Klistus Jisəs.

¹⁰ Mih kwuŋki kaŋ i wə kəm waiŋ wuŋ Ōnesimus wə mih nŋ dzə wi i waiŋ wuŋ wi wi kimbun mih num i juŋ yi nsəŋ mə fa.

¹¹ I ninshinŋ wi nŋ kə mi wi kilələ i wə, ayakalə i liə wi si num lə na mi i buku wə bəchi.

¹² Mih fiəniki chŋŋsiki dzəki wi i wə i liə. Wi lansi num shəm yinŋ.

13 Mih si kəŋki a wi numki fa i mih kpəŋ ka wi təkni ki bəh mih i di bia wə si mih kə i nsəŋ mə fa kəm ntum wi ndzəŋni wə kəm Jisəs.

14 Ayakalə, mih yeiŋki a mih kəkə i fə gia ka yələ wə kiə kə yeiŋ, kəm mih nəŋki kə a nəm wa wi ndzəŋni wə wə fəki i mih, ni numki ka mih chiniki wə chinini. Mih nəŋki a yi nŭmki asi shəm ya kəŋki.

15 Yuwidəkə Ōnesimus nŭ nyə i wə kpəŋ i jəbi wi juli wə lə, a jəbi wə wi bi fiəni dzə ma mbeiŋ wi bi baəŋ kramu,

16 ayaka wi chu kəkə mfa, wi tsə lə mfa kəm wi si num lə waiŋnih wa wi shəm i Klistus wə, wi num tə i mih nalə na bəh i wə, si wi kə mi wiwəm chu num tə mi wi Bah.

17 Ayakadəiŋ, wə ka yeiŋ a buku wə nəmki i fiəŋ fimu wə, wə dzə wi asi wə kə i dzə mih.

18 A kabə num a wi gbə i wə i gia yidəkə wə, yuwidəkə a wi kaŋaki lə fwa yidəkə mbeiŋ wi, wə jŭə i yeli wuŋ wə.

19 Mih nyakaki yələ num bəh kaŋ yin a, “Mih Bəəl ni gəm lə.” Mih dzakaki lə gia yidəkə kəbi yə mih ni dzakaki dzakani a, wə tə kaŋaki lə fwa buku wə, kəm nəni kə wə kaŋaki i liə akə kəm mih.

20 Ayakadəiŋ, waiŋnih, gām ti shəŋ a mih i gia yələ wə i yeli wi Bah. Fə yakadəiŋ kəm kijunni ki buku wə i Klistus wə, ka gwu ni ndzəŋki mih.

21 Mih nyakaki i wə lə, kiə na bindzəŋ məŋni kə a wə ni bum lə i fə gia yə mih dzakaki, ayaka jəbi wə wə ni nəŋki i fə, wə ni fə lə tsə na tsəni.

22 I chu kpəiŋsi yeiŋ, kəiŋsi di bi nəni i mih, kəm mih tseiŋki a ninshiŋ kiə a Nyə ni wəkə lə ntsa wimbeiŋ wi chiŋsi mih i mbeiŋ.

Kimbəni

²³ Ebaflas wə buku wi kə i nsəŋ mə fa kəm bə ntum wi ndzəŋni wi Klistus Jisəs, chiŋsiki kimbəni i wə.

²⁴ Maak, Alistakus, Demas bəh Luk bə buku bə nəmki i kijunni wə, chiŋsiki tə kimbəni i wə.

²⁵ Ma kiŋkəŋ ki Bah Jisəs Klistus nūmki bəh biŋ'waka bimbeiŋ.

**Kinwakti ki Nyɔ Minƙaiŋ Mifian
Chungmboko: Kinwakti ki Nyɔ Minƙaiŋ Mifian (New
Testament+) for Cameroon**

copyright © 2021 Wycliffe Bible Translators, Inc.

Language: Chung (Cung)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 22 Dec 2025 from source files dated 1 May 2025

ff8b447d-0e78-5782-840d-48c27035a093